




YELOD 28id NÜM: 07 YULUL 2018 PADS: 49 jü 56

## O Volapükaf lens valöpo!

In gased atmulik kanols reidön dili telid yegeda dö vapasfers planetas. Rigäd ona pänotükon in gased Deutänapükik: ‚Die Umschau‘ (zilogam), kel äpubon de 1946 jü 1948. Disein ona äbinon „ad moükön fogini vü Deutänans e ret vola“ pos volakrig telid. Lautan rigik äbinom el ‚Walter Sydney Adams‘ (1876 - 1956): ettimo dilekan ela Wilson Observatory in Kalifornän. Äbinom bal stelavanas cifik ün tim et. Kludo yeged okik at pälauton bü yels zao 70. Too ya äsevom mödikosi dö vapasfers planetas.

Dö venud nu sevobs, das lunot dela onik – tulavifot – binon dels talik 243, e das tulon me leod güik leigodü tal. Su sürfat liedo loxin e vatavap jenöfo no dabins in mödots saidik. Vamot e lutapedot bins mödo tu vemik pro lif jäfidämik.

Yeged dö vapasfers planetas in el Wikipedia ninädon mödikumosi pö ladet: [https://en.wikipedia.org/wiki/Extraterrestrial\\_atmosphere](https://en.wikipedia.org/wiki/Extraterrestrial_atmosphere).



Pluton, diamet kela binon mil-mets 2374 – smalikum ka mun tala mö mil-mets plu balmil – nūtimo no plu palecedon planet, ab nänöfaplanet, labon ye it muni nemü ‚Charon‘ sa munis anik zuik.

Etflanü pluton nänöfaplanets nog mödikums dabins, a. s.: elis ‚Ceres‘ e ‚Xena‘, e fūmo otu-voy votikis ün fütür.

Valanes vipom lämpiki hitüpa-sili pestelöl redakan e cıfal:

*Hermann Philipps*

‚Charon‘ fa levalavestigöm: ‚New Horizons‘ pesumodöl ün 2015 (se ‚Wikipedia‘).

**Poyümot: -at: timakompenian cenik Volapüka (2).***fa ,Daniil Morozov’.***3. El -at pö nems sümbolas.**

Soäsä ya emäniotob, vöd: numat < dabinon in Volapük sis yel: 1882. Bo demölo subsati at, el Arie de Jong äsludom ad gebön poyümoti: -at ko sinif: sümbol penamik, mäk, mal. Fe sinif at poyümota no pemänioton pö el „Gramat Volapüka”, ab vöds plu bal jonülons gebädi somik, as sams: *numat* (sümbol ad malön numi), *tonat* (sümbol pro ton; pla subsat at timü ‚Schleyer’ vöd ya evönädiköl: \*tonab < pägebon. Poyümot ettimik: -ab < no älabon sinifi fümik, äsä subsat \*leigab – nutimo: kveator – jonülon. Poso datuval äsludom ad gebön eli -ab as poyümot e kaladafinot könädas), *malat*. Atas subsat: malat < binon nitedikün. Niludob, das ma desin ela de Jong mutoyöv distidön vödis sümik: eli malat (sümbol penamik alik) ed eli mal (subsati ko sinif valemikum; mal no binon-la sümbol penamik, ab kanon tefön logodanotodi, jästi, bosi asä bümali, bosi, kel ön mod seimik patöfon dalabani okik, e reti, as sams: mal stupa, mal däla). El malat plago pägebon tu nesuvo: balido, in el „Gramat Volapüka” sinifon brefodi nolavik löminanema, tonatis de bal jü kils ninädöli e nemis in latin nolavik pladulöli (zuo vödabuk calöfik nuik ninädon vödagrupi: malat kiemavik), telido, in el „Volapükagased pro Nedänapükans” ekomädon notodot: malat Tsyinänik, pö kel vöd: malat jinon baiädön ko el hieroglif. Ye vöd: mal < plago i kanon sinifön sümboli penamik (äsä pö noet: 5 < ela „Gramat Volapüka”: „...penön pro ton alik mali te bali...”). Zuo defomot: malül tefon sümboli penamik, do subsat jiniko tikavikum: \*malatül < no dabinon. As sek gebäda nesuvik vöda: malat, el malat te koedon memön sümbolis kiemavik Volapükani nutimik.

Pluna el -at ejonidon as poyümot musigavödedas, sevabo: *doniüdat* (sümbol: b; de vöd mögik: *doniüd*, kel malonöv donikami tonoda), *löpiüdat* (sümbol: #; de vöd mögik: *löpiüd*, kel malonöv löpikami tonoda).

Cedü ob, silab lätik: -at kanon palecedön kaladafinot ä dil stamäda pö vödeds, kels sinifons sümbolis patik musigik, sevabo: noat, nömat (Ling-länapüko: ‚neume’). Binos nitedik, das timü ‚Schleyer’ pla el noat nutimik pägebon vöd votik: \*notüf. Fom: noat < bo balidnaedo pemänioton in vödabuk yela: 1888, ab ettimo älabon sinifi votik, sevabo elis ‚Note’, ‚Rechnung’ bai vödabuk gretik fa datuval üd elis ‚invoices’, ‚bill’ bai vödabuk fa el Wood. Pla el noat ettimik bo geboyöv atimo vödi: kalot, do – bisar kion! – subsat at id ädabinon in Volapük rigik. Tefü el noat id ädabinon vöd sümik: \*noät (nutimo: bankazöt). Ba el de Jong ävotükom sinifi vöda: noat < demölo sinifi poyümota: -at pö vöds sümbolis malöls, dat vöds somik mödikum öbinons sümiks ma finot demü fasilükam memida stamädas musigik anik.

#### **4. El -at pö jenets dotabik.**

Jenets nog aniks i dabinsons, pö kels el -at kanonöv palecedön poyümot, ab binons fikulikums.

A. Penat. Subsat at nendoto pedefomon de vöd: pen (ma siäm tefon luveratiküno eli penam), ab sinif ela -at pö jenet at binon nofümik. Cedob, das hiel Arie de Jong äglömom ad votükön subsati Volapüka rigik, dat pöleigadajäfükonöv ma noms nutimik vödidefomama Volapükik.

Ä. Flamat. Ma vödabuk ela Cherpillod, subsat at binon-la defomot tefü el flam. If el flamat pedefomon-la de vöd: flam, tän poyümot pabejäföf kanon sinifön malädi (leigodolös päri tefädik Volapüka rigik: hit, \*hitip; el -ip äbinon poyümot malädas). Fe poyümots Volapükik kanonsöv labön sinifis seledik, ab pö jenet vöda at plän votik i binonöv mögik, sevabo: el flamat” kanon-la binön rigavöd e sek brefükama vöda se natapük ömik, samo subsata Linglänapükik: ‚inflammation’, kel i labon tonatakoboyumoti: at.

B. Kretat (Linglänapüko: ‚the Cretaceous’, Deutänapüko: ‚Kreide’). Balflano el de Jong äkanom-la distidön sinifis difik vöda ot Deutänapükik: ‚Kreide’ dub lenläg poyümotas difik (leigodolös subsatis: kret, kretäd, kretat!). Votaflano vöd at äkanon-la pedütülön nemediko natapüke ömik ko cein tonata: c < ad t (sams anik: el ‚Cretaceous’ Linglänapükik, el ‚Crétacé’ Fransänapükik, el ‚Cretacico’ Litaliyänapükik). Bo sotül telid pläna binon luveratikum, bi gebäd poyümota: -at < ko sinif: jüd talavik < binonöv tu bisarik.

C. Konyugat. El konyug binon jäfüdavöded gramatik, el konyugat ut biologik. Tef siämik vü suemods pükava e biologa no binon klülik, klu jinos lü ob, das pö jenet at vöds Volapükik binons seks dütüla telnaik: balidnaedo tonatakoboyumot foginik rigik: at < pemoükon, telidnaedo pekippedon. Samo vöds bofik Volapükik kanons-la licinön de vöd ot Deutänapükik: ‚Konjugation’, u Linglänapükik: ‚conjugation’, ...

D. Reformat. Vöds: reform, reformat < vemo sümoms ad od ma siäm e pegivons in fövot bal, efe degkilid, ad vödabuk gretik calöfik fa el de Jong. El reform binon lekred u glüg pefeafomöls, el reformat timäd jenavik (notodot: reformat relik < äkomädon in el „Volapükagased pro Nedänapükans”). Värbs tefik pedefomöl i boso distons de od: el reformön binon värb neloveädik (sinif: binön pavotüköl, pafeafomöl ma lekred), el reformatön duton lü värbs loveädik (sinif: votükön, feafomön lekredi u glügi katulikis). Binos neluveratik, das poyümot -at sinifon-la timädi. Bo el Arie de Jong ädütülom leigüpo ini Volapük vödis seimik tel ma tümolog röletikis, as sams: els ‚reform’, ‚reformation’ Linglänapükiks.

## 5. El -at pö jäfūdavōdeds kiemava.

Ma el „Gramat Volapūka”, el -at i jäfidon as poyūmot kiemavik. Mutoy binōn kieman ad suemōn difūlis e nomis valikis geba ela -at pö jenets somik. Obo te kanob komandōn ad vestigōn kälōfiko bagafis ko nūns e sams tefū el -at kiemavik lebuka ānu pemānietōla, sevabo: 273, 275, 276, 278, 279, 281, 282, 283, 284, 285, 286, 287, 288, 289, 290, 291, 292. Binos nitedik, das binet at kanon palenyūmōn len stamāds, kels no dutons lū löminanems, as sams: furmid-at-azūd (malatem kiemavik: HCOOH), vinig-at-azūd, yurin-at-azūd. Pö jenets somik el -at jinon jäfidōn as vūyūmot.

Ye gebād ela -at kobū vōdeds kiemavik mūton ad betikōn sākādi va-lemikum, kel tefon vōdidefomami Volapūkik. El -at semikna kanon pladulōn finoti kaladik löminanemas: -in, dinād kelik koedon davedōn sāki sōkōl: kin binon-li stamād in löminanems? u: lio mutoy-li diletōn löminanemis de tikādōp vōdidefomamik (dilōlo vōdi ad stamād(s) e yūmots)?

Ma bagaf: 178 < ela „Gramat Volapūka”, el -in suvikūno no binon poyūmot, ab finot kaladik löminas, kel i kanon „pagebōn pö fomam defomamavōdas”. Igo pö löminanems seimik el -in binon med vōdidefomamik. Leigodolōs pārīs sōkōl vōdas: gold (dinod) – goldin (lömin), fer – ferin, largent – largentin, zink – zinkin.

So ma el „Gramat Volapūka” kaladafinot -in pö löminanems mōdikūn binon dil nedeteilovik stamāda. Pö defomam koboyūmavōdas kiemavik kaladafinot at kanon pamoādōn, sekū kelos löminanems pabrefūkons fo poyūmots: -at, -id, -ül... u fo stamāds votik (sams: kalsinakarbat, fosfatastabot, kloridazūd, telklorūlsulfatazūd, balklormetan, ...).

Ma bagaf: 283 < lebuka at, fo poyūmot: -at stamād semikna papladon nen brefūkam: „**Polūsulfinatazūds** pamalons me zūdafinot: **-at** po **nem metaloida: sulfin** < **no pebrefūkōl** sa numat ad malōn numi sulfinataumas”. Sams: tel-sulfinata-zūd ( $\text{H}_2\text{S}_2\text{O}_6$ ), kil-sulfinata-zūd ( $\text{H}_2\text{S}_3\text{O}_6$ ). Ma bagaf: 292 < vobota ānu pesaitōla sūmikos tefon i rigavōdis: kromin, kobaltin, sevabo: kalina-tel-lamoniak-fol-nitritil-krominat ( $\text{K}[\text{Cr}(\text{NH}_3)_2(\text{NO}_2)_4]$ ), fol-lamoniak-tel-nitril-kobaltina-tel-lamoniak-fol-nitritil-kobaltinat ( $[\text{Co}(\text{NH}_3)_4(\text{NO}_2)_2][\text{Co}(\text{NH}_3)_2(\text{NO}_2)_4]$ ). In vōdabuk calōfik komādons koboyūmavōds ko lim: -silikināt (sam: māl-fluoridil-silikinata-zūd).

Balfano, stamāds pebrefūkōl komādons in koboyūmavōds Volapūkik (as sams: no-, nolū- < pla el nolūd). Votaflano, koboyūmots, in kels el -at pladulon kaladafinoti sonemik -in, kanons pagebōn noe as lims koboyūmavōdas, abi as vōds soelik. Sams: karbat (Linglānapūko: ‚carbonate’), silikat (Lingl.: ‚silicate’), sulfat (Lingl.: ‚sulphate’). Sūmikos tefon i vōdedis ko poyūmots kiemavik votik (loxiid).

Obo lecedob pläni puba stabavödas samü sulfat, bromat medü brefükam tuvemo fikuliki. Kanoy niludön, das pö jenets somik poyümot voik: -in turnon ko poyümots votik (-at, -it, -id, -il, -ül, e ret). Jiniko el Arie de Jong pö laut gramatibepenota okik äbüocedom, das in Volapük stamäd alik muton-la kanön pagebön soeliko as rigavöd. Cedü ob, in Volapük stamäds anik — mu pato binets löminanemas — binons äsvo döfiks e te pagebons kobü yümot seimik. Ba kanoy-la lecedön binetis vödedas kiemavik brom-, sulf-, krom-, e reti, stamädis sekidik, kels neföro pagebons as rigavöds. In tef at i viloböv mäniotön ladyeki: bofik. Fe vödabuk fa el Cherpillod ninädon subsati: \*bof, ab binosöv fikulik ad miedetön kuratiko sinifi vöda soelik somik, zuo in vödabuk calöfik, äsi in vödems dasamik el \*bof neföro äkomädon. Ba i binon stamäd sekidik, kel te kanon pagebön kobü yümots. In tef at i kanoyöv mäniotön rigavödis votik (as sam, el föro).

## **6. Els -oat, -iat.**

Nesuvo finots: -oat, -iat < komädons in Volapük, kuratikumo pö musigavödeds e jäfüdavödeds kiemavik. Tefü „-oat” pläns tel binons mögiks: 1<sup>ido</sup>, tonatakoboyumot at binon-la sek gebäda balposvotik yümotas: „-o” (finot ladvärbik) ed „-at”, 2<sup>ido</sup>, binon-la poyümot balugik. Saitädob dono musigavödedis tefik se fövots fa ‚de Jong’ ad vödabuk calöfik sa leigätodis usao:

- kiloat = ‚Triole’;
- luloat = ‚Quintole’;
- mäloat = ‚Sextole’;
- veloat = ‚Septimole’, ‚Septole’.

Vödeds somik tefons dilami dulota tonoda pö pläyot. Tefü vöds sümik baicedob ko el Hermann Philipps: cifal, kel enu epenom pö Volapükagrup ela ‚Facebook’:

„Tefü els mäloat e kiloat cedob, das mutoy lecedön onis pedefomölis de ladvärb:

kilo = ‚in sets of three’, mälo = ‚in sets of six’  
sa poyümot at, kel malon balati.”

Ma el „Gramat Volapüka”, tonatakoboyumot ot i kanon papladon po kaladafinot -in löminanemas ninü koboyümavöd kiemavik. El Arie de Jong ämäniotom limis: -platinoat, -ferinoat, -nikelinoat, sevabo:

H<sub>4</sub>Fe(CN)<sub>6</sub> = mäl-küanidil-ferinoata-züd,  
K<sub>4</sub>Fe(CN)<sub>6</sub> = kalina-mäl-küanidil-ferinoat,  
K<sub>2</sub>Ni(CN)<sub>4</sub> = kalina-fol-küanidil-nikelinoat,  
K<sub>2</sub>PtCl<sub>4</sub> = kalina-fol-kloridil-platinoat.

*Fövot ofovon.*

## Vapasfers planetas (fin).

*Se „Volapükagased pro Nedānapūkans”, 1953, nūms: 1 e 2.*

**Venud.** Venud: kleilikūn planetas < labon stadi votik. Binon tō fagot de sol mō foldils kil fagota tala de sol, masat okik binon luldils fol, e tirādanām okik zao degdils zūl utas tala; binon kludo ōn tef ōmik telād<sup>1</sup> tala. Labon vapasferi stāānik do tefādiko mānsidiki, e pazūon laiduliko dub lefogs densitik, sodas luveratiko ologobs neai sūrfati lōlik onik. Sekū atos no sevobs igo kuratiko tulavifoti onik, ed i no kanobs dudranōn me meds fūsūdik talik da jūd lefogas. I me vestigs spāktrumōmik no ekanoy datuvūlōn<sup>2</sup> lunoti dela venudik; sevobs te, das binon bo niludo vemo lunik. Fūmo vestig spāktrumōmik ye eblōfon, das sus vilup lefogas karbatatabot vemo mōdik komādon, e loxin e vatavap āsvo noniks komādons, vaps kelik bofik binons veutiks pro lif jāfidāmik. Ab binos vemo gudiko mōgik, das dis lefogajūd vaps at sio dabinsons in mōdots saidik. Stelavans mōdikūn bai-vōgoms, das venud lofon, mōdikumo ka planets seimik votik, stipis pro lif jāfidāmik gōnikis. I mafams vamous miedūkumons okis ad lefogs tegōl. Klu ōn mafād semik ad stratasfer venuda. Vamot onik peregistaron zao ad grads -32, klu vamikumo mō grads 22 ka stratasfer su tal.

**Tal e mun.** Planet fovik in solasit tal binon, ko mun, kel ai lūflekon flani ot oka lū tal. Utōpo, kō solastrals drefons levalaglōpi at nen vapasfer, vamous padagetons, kels koedons kukōn vati, du su flan dagik muna, vamous dareigons mō grads pu -157.

Igo vapasferis tala nu no nog sevobs kuratiko. Vamot zānedik su talasūrfat binon grads 14, ut vūtropzona grads 26. Sus melanivod labobs zao dōtumis 78 nitrina, dōtumis 21 loxina e dōtumi 0,9 largonina ko mōdots smalik karbatatabota, lamoniaka, hidrina e vapas votik. Jū atim āniludob, das in jūds lōpikum vapasferas mōdotapropors vapas ōvotikons vemiko, e das in lōpot milmetas 75 vapasfer ōbinādon te nog me hidrin. Kūpedots stratasferafilitanas Rusānik ūn 1933 setul ye no baiādons ko atos, ibā ātūvoms in lōpot milmetas 19, das vapasfer labon kobodi nog ti oti āsā uti len sūrfat tala.


**Mard.** Stelavans obsik esevoms ze kuratiko mardi, iba stadon plā<sup>3</sup> venud nilikūno lā tal. Labon diameti lafik tala, e degdili bal masata onik. Vapasfer onik binon mānsidik, e no neleton kludo kūpedi sūrfata okik. Del su mard binon te mō minuts 37 lunikum ka ut obas. Povakapūt sulūdik vietik onik nepubon lōliko tūi fin hitūpa mardik, du povakapūt nolūdik lāsikon vemo. Atos lūjonilon ad gladajūds, kels smetons vemo vifiko ūn hitūp. Su kveator marda stens dofik gianagretik dabinsons, kelas kōl votikon ūn gol yela; stelavans mōdik lecedoms in kōlavotikam at dabini planaglofa. Nog ai kanāds famik marda go no peplānons. Dabin vapasfera su mard peblōfon fūmo.

Ekonstatoy igo, do selediko, lefogis. Vapasfer marda binon ye mōdo mānsidikum ka ut tala; ninādon te mildili mōdotas loxina in vapasfer at komādōlas, e proporiko su mard i vat nemōdik dabinson. Vamous binons us nemōdikums ka uts su tal, e rivons su flan delik no nivodi lōpikum ka grads .C.' 16. Mōdadilo blibons dis flodamapūn. Densitot pūlik vapasfera mardik gōnon vamousvotikamis vemo vifikis. Su planet at kludo klimat dareigon, kel stadon vū uts talasoalōpa e munasoalōpa, sodas niludo su mard te planaglof balugikūn e nemōdikosi flagōl kanon davedōn.

**Yupitär, saturn, luran, näptun e pluton.** Planets fol, ko masats gretik oksik, tulatims brefik e fagots gretik de sol, de kel getons kludo vami nemödik, labons vapasferis vemo stäänikis e densitikis: pato yupitär e saturn, kelas sūrfatis solidik – if ats jenōfiko dabinsons – neai logoy. Kūpādiko vapasfers planetas gretik ninā-dons mōdotis veūtik lamoniaka e metana, e niludoy i komi numa vapas votik, kobotis ko hidrin, kels komons in mōdots gretik in vapasfers levalaglōpas at.

Planet fagikūn: pluton, labon gūo masati so smaliki, das eperon niludo vapasferi lōlik okik in levalaspad.

Vestigs at blōfons kludo – ‚Adams’ sludom plānedi okik – das būfiko tal nog binon gudikūn levalaglōpas at, e das, tefū mōg lifa jāfidāmik, no dalobs spetōn mōdikosi de planets votik. Su mard fūmiko mōg ad lifōn te dabinson pro dabināds lifōl vemo dono stadōls. Te venud binon ba komandabik as jolamōp pro levala-spada-flitans. Ab vemo luveratik i atos igo no binon. ■



**Votūkots leigodū vōdem rigik:** 1. telādasōr → telād (Deutānapūko tal binon vōd vomik);  
2. lonōn → datuvlōn; 3. pos → plā (el **pos** labon sinifi te timiki).

### Vicifal obsik etuvom pōkis anik in yeged dō vapasfers planetas in gased būik.

- a) **Su pad: 46** pō prim kedeta 12<sup>id</sup> vōdema donao: vemik: mun → vemik; mun;
- ä) in setem telid, kedets: 2 e 3: pajafedon → palonādon;
- b) in kedet degid vōdema donao: jū kiltumnam → jū kiltumna;
- c) su pad ot, pō kedet telid donao: vapasfera tālik → vapasfera talik.
- d) **Su pad: 48** pō fin kedeta telid lōpao: su planeds → su planets;
- e) in kedet velid lōpao: ▲ Flan vamik okik → Su flan vamik okik;
- f) pō fin kedeta jōlid lōpao: klu vamoti lōpikūn ka → klu vamoti lōpikum ka.

### Nuns dō Volapük in Brasilän (3).

se ‚Germania / Deutsche Zeitung für Sao Paulo und Rio de Janeiro’.

Liman Brasilänik Volapükagrūpa pō ‚Facebook’: ‚Matheus Kaufmann’ esedob redake yegedis anik. Atna reidobs lobi fa Volapūkan famik ettimik: Dr. Alfred Kirchhoff.

1887 yunul 8.

Die **Weltsprache** (Volapük) gewinnt immer mehr Terrain. Professor Kirchhoff in Halle sagt darüber: „Es lässt sich nicht leugnen, der Zug der Zeit geht darauf hinaus, über das Trennende hinweg das Gemeinsame zu finden.“

**Pük valemik** (Volapük) ai plu stäänikon. Profäsoran: ‚Kirchhoff’ tō ‚Halle’ plānom: „No kanoy noōn, das baitimādimiko klienoy ad tuvōn kobādi bei difs valik.



Zuvörderst ist die „Weltsprache“ (denn das heist Volapük, abgeleitet von vol, gesprochen wot, englisch world, und pük, englisch speak) gar nicht dazu bestimmt, irgend welche Sprachen zu verdrängen; nur Enthusiasten könnten davon träumen, dass früher oder später die gesamte Menschheit Volapük reden wird. Die Schleier'sche Weltsprache verdient vielmehr allein insofern ihren Namen, als die vielen Tausenden, welche sich schon heute derselben bedienen, ihr eine internationale Verständigung in umfassendstem Sinne danken, indem sie sich über geschäftliche oder wissenschaftliche Dinge mit Nordamerikanern oder Syrern, Russen, Spaniern, Brasilianern (!) u. s. w. hieftlich verständigen können, ohne die doch theilweise recht schwierigen Sprachen dieser Nationen erlernen zu müssen.

Wenn nun die „Nationalzeitung“ behauptet, jetzt solle „die neue Weltsprache ihren Siegeszug beginnen“, so muss bemerkt werden, dass dieser Siegeszug schon längst begonnen hat; auch wird keineswegs „jetzt erst Propaganda für die Weltsprache betrieben“, denn das geschieht bereits seit einigen Jahren in München, Wien, Breslau, ganz besonders in Paris, wo Professor Kerckhoffs das Volapük in erfolgreichster Weise und in strengster Wissenschaftlichkeit vortritt. Es existirt bereits eine ganz ansehnliche Zeitschriften- und Bücher-Literatur in der Weltsprache, und wer sich über den Wohlklang, sowie über die Bestimmtheit und Feinheit des Volapük belehren will, der braucht nur Fiewegers Uebersetzung von Lessings „Minna von Barnhelm“ in dieser Sprache zur Hand zu nehmen.

Betreffs der Charakterisirung der in Rede stehenden Weltsprache könnte Schreiber dieser Zeilen auf seinen eigenen, soeben erschienenen Volapük-Leitfaden verweisen. Wer jedoch von Hans und Kunz sich hat aufbinden lassen, Volapük sei ja doch nur reiner „Unsin“, der wird freilich auch zum kleinsten Buchlein über diesen Gegenstand nicht greifen mögen. Darum hier nur soviel: Diese Weltsprache ist gleich dem Englischen aus germanischen und romanischen Wortwurzeln komponirt; vorwiegend sind die Worte aus deutschen und englischen, seltener aus lateinischen durch zweckmässige, systematische Vereinfachung entstanden, deshalb für jeden Deutschen zumal recht leicht erlernbar, vollends aber die Grammatik lässt sich dank ihrer unübertroffenen Einfachheit und ihrer Freiheit von jeglichen Ausnahmen in einer knappen Stunde vollkommen erfassen. Eben weil das Volapük von Angehörigen jeder Nation in so beispielloser Leichtigkeit erlernt werden kann und dabei so kurz, so klar und so ausdrucksvoll ist, gebührt ihm ohne Zweifel der hohe Rang einer universellen Vermittlungssprache auf allen Gebieten menschlichen Schaffens, es ist die geborene Welt-handelssprache und zugleich das Latein der Zukunft.“

Mubalido, Volapük (= pük vola) ga leno jonidon ad modränön pükis seimik. Te lanä-lans ba kanons-la drimälön, das fütüro menef lölik ospikon Volapüki (de Lingl.: ‚world‘ e ‚speak‘). Valemapük di ‚Schleyer‘ fe sio digädon nemi okik. Milans mödik nu ya gebons oni. Otans debons püke at dani, ibä kanons bevünetiko kosädön penedo ön siäm musaidik dö dinäds büsidik e nolaviks ko Nolüda-Meropans, Süriyänans, Rusänans, Spanyolans, Brasilänans (!) e ret, nes mutön lärnön pükis dilo ga fikulikis netas at.

El ‚Nationalzeitung‘ epenon, das ‚valemapiük nulik nu primon levikodagolädi oka‘. Ekö! levikodagoläd at ya eprimon bü lunüp. Leigo leno ‚pas nu progagidoy valemapiuki‘, bi atos ya jenon sis yels anik tö ‚München‘, ‚Wien‘, ‚Breslau‘ e mu pato tö ‚Paris‘, kö profäsozan: ‚Kerckhoffs‘ vobedom pro Volapük mu benoseko e me nol musevärik. Ya nu gasesa- e bukaliterat Volapükik dabinon bundano. Utans, kels vipons ad seivön benotoni, kleili e feini Volapüka, reidonsös tradutodi fa ‚Fieweger‘ ela ‚Minna von Barnhelm‘ fa ‚Lessing‘.

Tefü kaladam valemapiüka is pabejäfola lautan yegeda at kanom jonädön geidabuki okik Volapüka, kel pas enu epubon. Utan ye, kel äleadon slüdön oki fa seimans, das Volapük binon ga sio ‚nesiäm‘ voik, fe no ovilon-la studön buki igo smalikün dö yegäd at. Kludo vilob plänön te atos: Sümü Linglänapük, valemapiük at binädükon oki me stamäds germik e romeniks. Mödadilo vöds ädavedons de vöds Deutäna- e Linglänapükiks dub balugükam diseinabik e sitik, läs suviko de latin. Klu pato Deutänans kanons fasiliko lärnön onis. Zuo kanoy lölöfiko suemükön oke gramati ünü düp bal kodü balug no pluamovik e nedabin pläotas seimik. Ebo bi Volapük kanon palärnön fa sifans netas alik me fasil so nensamik e binon so naböfik, kleilik e notodik, nendoto duton lü on gredät löpik medamapiüka valemik in ziläks valik jafa menik. Dub natäl oka binon pük büojonidik pro volated, ä latin fütüra.”

Fövat ofovon.